

Na osnovu člana 7. Zakona o budžetima u Federaciji Bosne i Hercegovine („Službene novine Federacije Bosne i Hercegovine“, broj: 102/13, 9/14, 13/14, 8/15, 91/15, 102/15, 104/16, 5/18, 11/19, 99/19 i 25a/22), člana 13. Zakona o principima lokalne samouprave u Federaciji Bosne i Hercegovine ("Službene novine FBiH", broj: 49/06 i 51/09) i člana 25. Statuta Grada Tuzla („Službeni glasnik Grada Tuzla“, broj: 6/21), Gradsko vijeće Grada Tuzla, na sjednici održanoj dana 26.10.2023. godine, donosi:

**O D L U K U**  
**o dopuni Odluke o izvršavanju budžeta Grada Tuzle za 2023. godinu**

**Član 1.**

U Odluci o izvršavanju budžeta Grada Tuzle za 2023. godinu („Službeni glasnik Grada Tuzla“, broj: 15/22 i 5/23), u dijelu III REALIZACIJA SREDSTAVA BUDŽETA, član 22. se dopunjuje na način da se iza tačke 37. dodaje nova tačka 38. koja glasi:

„38. Kapitalni grant - JP SKPC “Međan” Tuzla“

**Član 2.**

Ova Odluka stupa na snagu danom objavlјivanja u „Službenom glasniku Grada Tuzla“, a primjenjivat će se za fiskalnu 2023. godinu.

**Bosna i Hercegovina  
Federacija Bosne i Hercegovine  
Tuzlanski kanton  
GRAD TUZLA  
GRADSKO VIJEĆE  
Broj:01-11-A-17410-2023.  
Tuzla, 26.10.2023. godine**

**PREDsjedavajuća vijeća  
Nataša Perić, prof.**

## O b r a z l o ž e n j e

### **Pravni osnov**

Pravni osnov za donošenje Odluke o dopuni Odluke izvršavanju budžeta Grada Tuzle za 2023. godinu (u daljem tekstu: Odluka), sadržan je u sljedećim odredbama:

- odredba člana 7. Zakona o budžetima u Federaciji Bosne i Hercegovine (“Službene novine Federacije BiH” br. 102/13, 9/14, 13/14, 8/15, 91/15, 102/15, 104/16, 5/18, 11/19, 99/19 i 25a/22), propisuje da se uz budžete donosi zakon, odnosno odluka o izvršavanju budžeta kojom se uređuje struktura prihoda i primitaka, te rashoda i izdataka budžeta i njegovo izvršavanje, prioriteti plaćanja, obim zaduživanja i izdavanje garancija, upravljanje dugom, te finansijskom i nefinansijskom imovinom, prava i obaveze korisnika budžetskih sredstava i dr. Dok je odredbom člana 46. istog Zakona propisano da se Budžet izvršava na osnovu Zakona o izvršavanju budžeta za nivo Federacije i kantona, na osnovu odluke o izvršavanju budžeta za nivo grada i općine, odnosno na osnovu odluke o izvršavanju finansijskog plana vanbudžetskog fonda.
- odredba člana 13. Zakona o principima lokalne samouprave u Federaciji Bosne i Hercegovine („Službene novine Federacije Bosne i Hercegovine“, broj: 49/06 i 51/09), propisuje da gradsko vijeće u okviru svojih nadležnosti između ostalog usvaja budžet i izvještaj o izvršenju budžeta jedinice lokalne samouprave.
- odredba člana 25. Statuta Grada Tuzla („Službeni glasnik Grada Tuzla“, broj: 6/21), propisuje nadležnosti Gradskog vijeća i utvrđeno je da Gradsko vijeće okviru svojih nadležnosti između ostalog usvaja budžet i izvještaj o izvršenju budžeta Grada.

### **Razlozi za donošenje**

Razlog za dopunu člana 22. Odluke novom tačkom 37., sadržan je u Zahtjevu Službe za ekonomski razvoj, poduzetništvo i poljoprivredu broj: 04-377/23 od 09.10.2023. godine, u kojem je predloženo da se sagleda mogućnost obezbjeđenja sredstava u Budžetu Grada Tuzle za 2023. godinu u cijelini ili djelimičnom iznosu, a koji se između ostalog odnosi na sredstva na ime kapitalnog granta za JP SKPC “Međan” Tuzla. Putem navedene Službe, JP SKPC “Međan” Tuzla, obratilo se zahtjevom broj: 460/23 od 22.08.2023. godine, u kojem je istaknuta potreba i obrazložena opravdanost planiranja sredstava u 2023. godini iz Budžeta Grada Tuzle, za potrebe kapitalnih investicija. Ističući da se radi o sportskom objektu koji je izložen „zubu vremena“, kao i opremi koja je ugrađena, instalirana i puštena u rad, te da se redovnim servisiranjem već skoro četiri decenije, oprema održava u funkcionalnom stanju, ali iz razloga zastare sistema dolazi do problema nabavke i ugradnje pojedinih zamjenskih dijelova na sistemima, jer se ne proizvode i nisu dostupni na tržištu, s toga se dolazi do problema zataivanja i prestanka rada, a isti su neophodni su za funkcionisanje i pružanje usluga krajnjim korisnicima.

Cijeneći opravdanost zahtjeva Službe za ekonomski razvoj, poduzetništvo i poljoprivredu, u Budžetu Grada Tuzle za 2023. godinu, obezbijedila bi se sredstva u iznosu od 40.000,00 KM na poziciji Kapitalni grant - JP SKPC “Međan” Tuzla, koja bi se koristili za pokrivanje troškova nabavke opreme za rad, što je i predloženo ovom Odlukom.

### **Obrazloženje pojedinih odredbi**

Izmjene i dopune Odluke o izvršenju budžeta Grada Tuzle za 2022. godinu, vrši se na način da se u dijelu III REALIZACIJA SREDSTAVA BUDŽETA, u članu 22. dodaju nove tačka 38., koja glasi:

„38. Kapitalni grant - JP SKPC “Međan” Tuzla“

Navedena sredstva će se dodjeljivati na osnovu ugovora, uz prethodni zahtjev, odnosno finansijski plan utroška sredstava, koji će sa korisnikom sredstava zaključiti nadležna služba – nosilac sredstava u Budžetu. Ugovorom će se definisati namjena i način korištenja sredstava, te ostale obaveze u pogledu namjenskog trošenja istih.

U ostalom dijelu Odluka o izvršavanju budžeta Grada Tuzle za 2023. godinu ostaje nepromjenjena.

Ova Odluka primjenjivat će se za fiskalnu 2023. godinu.

*OBRAĐIVAČ:*  
*Služba za budžet i finansije*